

光緒鎮海縣志

鎮海縣志卷十一

兵制

古者寓兵於農自管子作內政而兵與民分要所以衛民則一也邑薄海而城控制諸島兵防視他邑爲尤重

皇朝神武孔揚區畫詳悉凡更易戍守改移水陸所以壯屏翰而固苞桑者至矣盡矣因詳述兵制俾後有考焉

南齊

浹口戍 永明四年僞會稽太守孫宏取山陰至浦陽江郡丞張思祖遣浹口戍主湯休武拒戰大破之

南齊書沈文季傳

宋

砦兵

建炎砦兵慶元府十砦

浙東鮑埼三姑管界大嵩海內白峯岱山鳴鶴公塘

宋史
兵志

案寶慶志水陸管界寨額一百二十人今一百七
十人在澥浦鎮海內寨額二百四十人今一百五
十人本海內白峯二寨各營管領一百二十人後
白峯止作海內巡檢下指使係海內寨撥隸土軍
海內寨在烏埼頭白峯寨在午樓跳

制置司水軍 紹興二年制置司始置司所統兵駐劄定
海防扼海道十二年兵隨司罷三十一年復屯殿司水軍
二千人隆興元年海寇猖獗戶部侍郎趙子瀟帶沿海制

置使知明州就領殿司軍三千人收捕二年寇平所屯兵
節次起發前去瀟奏明州密邇行都事體非輕乞存留
又乞招置水軍一千人自是明州駐兵爲額三千乾道七
年統制林文自福州帶來水手一千撥付兵額始有四千
人統兵官有統制有統領又有正將副將准備將各三員
兵四千人曰軍義兵曰吐渾兵離爲二十二隊分隸於三
將三姑岑港烈港海內白峯五寨土軍聽水軍節制寶慶
案宋史乾道三年以明州
定海水軍爲御前水軍

案寶慶志寶祐五年沿海制置大使吳潛奏云定
海水軍爲額六千人四千係通判經制司給餉二
千係慶元府給餉知兵額後復增至六千人矣

向頭寨戍兵 向頭在定海之裏寶祐六年建兩寨共三百三十六間一水軍分戍寨共二百一間定海水軍分撥一百五十名在下居止一土軍移戍寨共一百二十九間鳴鶴巡檢司移屯九十七名在下居止

開慶志

元

蒙古軍 大德八年調蕪縣王萬戶翼漢軍一百人甯萬戶翼漢軍一百人新附軍二百人守慶元自乃顏來者蒙

古軍三百人守定海

元史兵志案至正志有蒙古千戶所分鎮定海

巡檢司弓兵 白峯巡檢司弓兵二十名管界巡檢司弓兵二十名施公山巡檢司弓兵二十名海內巡檢司弓兵

二十名

延祐志

明

定海衛指揮司使

案浙江通志定海衛隸定海備倭把總統轄

洪武七年創建

石城調明州衛前所屯守定海十二年置定海守禦千戶

所十八年調前所守昌國衛以甯波衛右所補額二十年

信國公湯和展城七里有奇立定海衛

案在縣東北後改總鎮府今爲演武

場調甯波衛左所及新操中前後三所爲五千戶守城所

外轄霽靄大嵩二千戶所二十五年徙昌國衛於象山存

中中中左二所隸本衛二十七年調後所於定海縣之海

晏鄉共轄九千戶所其員指揮使指揮同知指揮僉事經

厯知事衛鎮撫所正千戶副千戶鎮撫百戶等官九十一

員令史典史司吏等一十二員旗軍五千六百名經歷司

衛鎮撫千戶所有署

經歷司衛廳事東衛鎮撫衛廳事西

衛儀門外東

旗纛廟祭器祭品有常秩

北旗纛廟衛廳事東

品一土神祠在東廡銅牌制書官吏掌之

銅牌十面肅字

至三百三十號制書大明洪武禮制大明律大誥武臣宣

論武臣敕諭武臣武士訓誠錄軍人護身教祖訓條章御

製申明五常表箋式繁文鑑戒禮儀定刑滅繁體式古

今列女傳仁孝皇后勸善書為善陰騭誠諭武臣鐵榜

樓演武場軍器局火藥局火攻庫倉庫各有所

護樓衛治

樓演武場軍器局火藥局火攻庫倉庫各有所

南演武場

樓演武場軍器局火藥局火攻庫倉庫各有所

東衛鎮撫衛廳事西

有原額戰船五百料官船一隻四百料官船六隻二百料官船一隻八楫快船一十六隻風快尖哨船四隻十緊風船一十隻歲造解京軍器有額共三千一百件副嘉靖志

定海衛轄烽墩十三曰高山衛治西北四十里曰竺山衛治東南十二里

里曰小曰小山曰鷗鷺曰候濤山即招寶山近城曰打鼓山衛治港海口

東南二十里曰張師浦衛治東南二十里曰大尖岡衛治東南

後有黃茅山曰大魚灣衛治東南三十五里曰長山衛治東南

後對烈港曰大魚灣衛治東南三十五里曰長山衛治東南

里曰季嶼曰鷗鷺曰汪家路巡檢司三曰管界巡司弓

兵一百名在今鎮海縣西北六十里宋曰水陸管界巡檢寨在縣城內嘉祐中遷澹浦上洪武二十

年徙於縣西四十里與曰甬東巡司弓兵一百名在今鎮海

高山烽墩澹浦山相連曰甬東巡司弓兵一百名在今鎮海

縣東南十五里甬東橋旁舊在府東五里甬東曰長山

隅洪武二十年徙竺山海口與招寶山相對

巡司弓兵一百名在今鎮海縣南四十里舊為海內東寨洪武初徙於長山鹽場之右二十

鎮海縣志

卷十一

兵備

七年徙今所與大猷頭
陸相連 浙江通志

洪武元年以太史令劉基奏立軍衛法大率以五千六
百人爲衛一千一百二十八人爲一千戶所一百一十
二人爲一百戶所通以指揮使等官領之每千戶所設
備倭船十隻每一百戶所船一隻每衛五所共船五十
隻每船旗軍一百名春夏出哨秋冬回守

續文獻
通考

明設衛所在甯波者四

甯波
觀海

定海
昌國

每一指揮轄五千

戶所每一千戶轄十百戶定海衛轄五所外轄霽衢大
嵩及中中中左二所隸定海衛二所共轄二十百戶

浙江

通志

額設指揮使一員同知二員僉事二員額外僉事二員

衛鎮撫二員額設正千戶五員副千戶十員額外正千

戶一員副千戶八員額設所鎮撫十員額外四員額設

百戶五十員額外六十員

永樂志

軍職一百七員

案敬止錄永樂之制後惟指揮使止一員餘則漸增而嘉靖志反止百七員當

以管事員數計之經歷一員知事一員正官佩印章共

不及其帶俸者也

五十八紐其管事之官則於諸指揮中擇其材能

嘉靖志

而任之一人掌印一人僉書一人管屯一人管軍器其

餘或運糧或分汛非是則但寄俸於衛不任事凡嫡子

孫應襲者生卽報名於官達於部給半俸謂之優給年

十六停給許其襲職不願者聽之其俊秀向學者指揮

則徑赴武會舉免其鄉試千戶以下則徑赴武鄉舉免

其入武學試中者則就其本職陞用焉其願就文者每學使者按試衛官先試之而定其高下移於郡守郡守復試之而定其高下上於學使者使者拔其尤送於府學自此而鄉試會試皆無阻焉其願襲祖職者聽之鄆志衛所旗軍父死子繼世世替襲每旗軍十人別設一人爲什長每五十人別設一人爲總旗合二總旗軍共一百一十二人什長總旗數在內一百戶統之合十百戶軍共一千一百二十人一千戶統之爲一所合五所千戶軍共五千六百名則衛指揮統之敬止錄

案原額總旗一百名小旗五百名軍人五千名故一衛合五千六百名也此外又有運糧軍餘三千

一百七十八名屯軍一百名

見嘉靖志

達旗軍九十八

名

見永樂志

皆附於衛者承平日久缺額日多至嘉靖

倭變之時衛軍僅存什二矣

後千戶所 在海晏二都之穿山洪武二十年信國公湯

和徙大小樹海島居民於此二十七年安陸侯吳復

案復當作

傑明從信錄云洪武二十七年命安陸侯吳傑練兵防倭

至穿山置所復迺傑之父洪武十六年已卒於普定追封

公 置所調本衛後所守禦轄一十百戶所正千戶副千

戶鎮撫百戶等官一十七員司吏一旗軍一千一百二十

名本衛貼守軍餘一百二十名

所署祠廟銅牌制書場局倉庾等並同衛嘉靖志

鄒衢千戶所 海晏三都地宋置鄒衢驛洪武二十年信

國公湯和改建千戶所轄十百戶所正千戶副千戶鎮撫

百戶等官一十六員司吏一旗軍一千一百二十名本衛

貼守軍餘六十名

所署祠廟等並同後所嘉靖志案

戶所今大嵩縣郵縣中中左所隸定海縣故不錄

龍山千戶所 郡治北七十里洪武二十年信國公湯和

建轄十百戶所正千戶副千戶鎮撫百戶等官一十六員

司吏一旗軍一千一百二十名

所署祠廟等並同後所嘉靖府志案龍山千戶

所舊係觀海衛外轄之所湯和因定海縣龍頭場石塘區舊址創建地屬鎮海故錄之

定海把總 舊為定臨觀總嘉靖二十八年分為二總定

一臨觀一其定海總統水兵三枝

南哨南哨北哨駐割定海與昌國臨

觀二總並隸分守甯紹叅將

游哨

本總部領大小戰船一南哨青龍左哨哨總官一員部領大

小戰船一十三隻	兵三百三十三名	青龍右哨	領哨官一員部領大小戰船一十二隻兵三百二名
南左哨	領哨官一員部領大小戰船一十五名	南右哨	領哨官一員部領大小戰船一十三隻兵二百九十五名
小戰船一十七隻	兵二百九十五名	南中哨	領哨官一員部領大小戰船一十二隻兵二百七十三名
二百一十七名	兵二百九十五名	哨北右哨	領哨官一員部領大小戰船一十三隻兵二百九十五名
領大小戰船一十三隻	兵二百九十五名	馬左哨	領哨官一員部領大小戰船一十八隻兵一百六十一名
兵一百九十二名	兵二百九十五名	馬右哨	領哨官一員部領大小戰船一十八隻兵一百六十一名
船一十二隻	兵二百九十五名	梁橫哨	領哨官一員部領大小戰船一十八隻兵一百六十一名
兵二百四名	兵二百九十五名		

甯紹叅將 嘉靖三十一年設 革簡倭都 統水兵三枝 正

哨正游左哨 駐劄定海三十五年總鎮移駐定海本叅改

正游右哨 駐臨觀三十八年又移駐舟山臨觀昌國定海三總俱屬

調度

正兵哨

中軍名色把總一員部領大正游左哨名色把總一員

部領大小戰船一十九隻兵五百名正游右哨名色把總一員部領哨官

十九隻兵五百名百四名

總兵管理浙直海防軍務 嘉靖三十四年設駐劄臨山

三十五年以定海為諸蕃貢道改駐彈壓標下統陸兵五

總中左右前水兵三枝中軍哨中游左萬厯九年移駐省

城汛期仍巡歷海上駐定海四叅六總悉受節制案建鎮

轄各衛所官軍外

中營

本標坐營官部領哨官四員兵四百名平時常駐

左營

名色把總一員部領哨官四員兵四百名平時常

撥兵往來右營官兵同左營平時常駐定海操練每年

沿海巡哨春汛更番發守郭衢等處地方撥兵往

來沿海前營官兵同左營平時常駐定海操練每年春
 巡哨後營官兵同左營平時常駐定海操練每年春
 哨巡後營更番發守穿山後所等處地方撥兵往來沿
 哨巡中軍哨名色把總一員部領大小戰船四十六隻
 口汛期本鎮坐統出中游左哨名色把總一員部領哨
 洋南北往來巡督中游左哨官二員大小戰船三十
 六隻兵一百七十八名汛畢泊定海港汛期出洋割陳
 錢鼎東哨至浪岡海礁大洋南哨至大霍山與甯紹參
 將正游左哨官兵會哨西哨至蒲魯與甯紹參
 將正游右哨官兵會哨兼顧茅草大小七洋山中游右
 哨至日本極東洋南哨至落華洋山北丁興殿前山與直
 左哨官兵會哨西哨至落華洋山北丁興殿前山與直
 隸官兵會哨北哨至大小七茅草洋崇明與江北狼山
 官兵會哨以
 上浙江通志

皇朝

協鎮定海總兵 順治三年設陸師中左右三營水師左

右二營

陸師三營各副將一員守備一員千總二員把總四員兵八百名內馬戰兵八十名步戰兵三百二十

十名守兵四百名戰馬八十匹水師二營各參將一員守備以下與陸師同兵八百名內水戰兵四百名水手兵四

百六年改協鎮總兵爲甯紹台溫總兵仍駐定海轄五營

其甯紹台溫四府官兵各駐該汛聽總兵統轄

陸師副將及水師參

將俱改游擊守備游擊守備以下如舊

十三年調協鎮副將并陸師中營移

駐台州黃巖水師左右二營移駐郡城十四年設甯台溫

水師總兵駐劄郡城轄水師五營其水師前後二營以定

海水師二營改設十五年調甯紹溫總兵移駐黃巖本標

陸師三營隨往以甯台溫水師總兵官駐定海

案浙江通志定海水

師左右二營游擊守備等官順治十八年裁

康熙元年設水師提督一員水師左

右二路總兵官各一員其左路總兵卽以甯台溫水師總

兵改任仍駐定海轄中左右前四營

中營兵一千名左右前三營八百名

五年調左路右營兵於温州七年省水師提督官其標下五

營令左路總兵兼轄八年分調提督五營於台溫沿海諸

處暨甯波城守改水師左路總兵爲鎮守定海總兵轄水

師中左右三營

三營各設游擊一員中軍守備一員千總二員把總四員三營兵各一千名其左營

內二百名撥

暨定海城守一營并紹興等處

雍正府志

二十三

年移駐舟山改爲舟山鎮總兵官二十六年舟山改設定

海縣改名定海鎮

浙江通志

水師營

原係五千戶所順治三年改設定海營

浙江通志

五年以舊舟山陸中營移置黃巖改爲定海城守營汛守

定海城并江南北沿海所城臺塞聽台州總兵統轄康熙

八年改隸定海總兵

雍正府志

二十五年改定海營爲鎮海營

雍正二年改鎮海營爲水師營

浙江通志

道光二十五年改隸

提標

營冊

額設叅將一人

原係陸路叅將雍正二年改爲水師叅將

中軍守備一人千總

二人把總四人雍正五年添設外委千總二員把總五員

雍正府志

同治十年遵照新章裁外委把總一員

營冊

額設馬步戰兵一千二百五十七名康熙二十五年裁戰
守兵丁共九十名雍正二年裁官馬一百二十六匹將有
馬戰兵改爲水戰兵額設守兵內改二百三十四名爲水
守兵七年裁減京撥戰守兵丁共一十二名又復設官馬
八十四匹九年有馬戰兵八十名無馬戰兵九十二名水戰

兵一百二十六名守兵六百二十三名水守兵二百三十

四名共一千一百五十五名

雍正府志

改設陸戰兵一百八十

一名水戰兵三十七名陸守兵七百六十四名水守兵九

十三名實在兵丁共一千一百五十五名

乾隆志

乾隆四十

七年改設官馬六十七匹兵丁共一千零六十一名五十

八年奉文將官馬六十七匹馬兵六十七名盡行裁革實

存兵丁九百九十四名嘉慶二十二年裁撥赴天津營兵

丁十四名實存兵丁九百八十名同治八年遵照新章減

四存六裁兵三百九十二名實存兵丁五百八十八名

營冊

康熙二十二年本營原防招寶山城兼防縣城駐劄官

一員帶領兵三百四十三名滾江龍汛駐劄官一員帶

領兵一百三十四名龍山所汛駐劄官一員帶領兵一

百四十名穿山所汛駐劄官一員帶領兵二百七十一

名霽霽所汛駐割官一員帶領兵一百七十五名五十六年改設笠
山城汛將滾江龍汛已上駐防官共八員將備駐割鎮城
兵移駐笠山城汛一年一換雍正二年為請更浙閩等事
千把駐割各汛水師奉文將備巡洋汛每年四月一輪
改鎮海營為水師奉文將備巡洋汛每年四月一輪
千把總防水陸汛口兩月一輪分定鎮海江口虎蹲山
蛟門山塢柁山金塘山西首山脚太平山瀝表嘴後海
東霍西霍七姊妹一帶洋面將原防之陸汛穿山霽霽
崑亭三汛撥歸提標左營管轄雍正六年間因鎮海關
口出入船隻源係防城千把總稽查緣汛守事繁恐有
顧此失彼之虞詳定將鎮海關口責令經制千把總一
員為專防外委千把總一員為協防其鎮城事務亦令
經制千把總一員為專防外委千把總一員為協防以
專責成雍正八年定凡有城汛兼顧者俱令專防駐割
招寶山汛係兼顧鎮城將招寶山汛令外委千把總專
防鎮城令經制千把總專防
把總專防浙江通志

縣城 千把總專防外委千把總協防 俱二月輪換案
今駐防官三月輪

換駐兵二百八十七名 乾隆 今照新章設兵一百三十五

名營冊

關口汛 千把總專防外委千把總協防俱二月輪換案今照新章裁

減外委千把總一員駐防官三月輪換駐兵一十三名乾隆志今照新章設兵

八名營冊

招寶山汛 外委千把總專防輪換一月駐兵一百五名轄汛

地四乾隆志今照新章設兵五十名駐招寶山二十名分駐營冊

營房六間案光緒三年新建威遠礮臺一座駐劄官一員兵六十一名

笠山城汛 千把總專防外委千把總協防俱二月輪換駐兵

二百一十名轄汛地十二乾隆志今照新章設兵七十四名

駐小江口三十六名分駐青嶼三十八名營冊

龍山所城汛 千把總專防外委千把總協防俱二月輪換案招

寶山笠山龍山駐防 駐兵一百八十名轄汛地十五乾隆志

官今俱一年輪換 今照新章設兵六十六名駐龍山所城三十六名分駐解浦三十名營冊

穿山所城汛 提標左營千把總輪防駐兵一百五十五

名

鄞衢所城汛 提標千把總輪防駐兵七十名轄汛地五

以上提標左營管轄

崑亭寨城汛 提標中營案原隸左營道光二十八年改撥中營千把總輪

防駐兵九十五名轄汛地七提標中營管轄乾隆志

鎮海營水汛 督巡將備一員四月輪換專巡千把總一員隨

巡千把外委二員俱二月輪換營兵一百三十名乾隆志今照新

章設兵一百八十名配船六隻兼外洋緝匪營冊

官兵俸餉 叅將大建支俸銀二十二兩二錢七分八釐
三毫小建支銀二十一兩五錢三分五釐六毫九絲馬八
匹每匹月支乾銀一兩 守備大建支俸銀八兩二錢二
分五釐五毫小建支銀七兩九錢五分一釐一毫馬四匹
每匹月支乾銀一兩 千總大建每員支俸銀四兩小建
支銀三兩八錢六分六釐六毫馬各二匹每匹月支乾銀
一兩 把總大建每員支俸銀三兩小建支銀二兩九錢
馬各二匹每匹月支乾銀一兩 添設外委千總把總每
員應支養廉糧餉於有馬戰兵項下支給造報 馬戰兵
大建每名支餉銀二兩小建支銀一兩九錢三分三釐三
毫米三斗馬一匹月支乾銀一兩 陸戰兵大建每名支

餉銀一兩五錢小建支銀一兩四錢五分米三斗 水戰
兵大建每名支餉銀一兩五錢小建支銀一兩四錢五分
米三斗 陸守兵大建每名支餉銀一兩小建支銀九錢
六分六釐六毫米三斗 水守兵大建每名支餉銀一兩
小建支銀九錢六分六釐六毫米三斗 生息銀雍正五
年案浙江通志作八年定例定海鎮標兵丁賞銀一萬二千兩零每
季領銀五十六兩七分兵丁父母故者給銀二兩婚娶者
給銀一兩五錢嫁女者給銀一兩 穀價銀共一千一百
九十五兩零

戰船數

戰哨船八隻

案雍正府志雍正二年新設

海字一號水艍船

一隻

長八丈九尺廣二丈二尺五寸

海字二號趕艍船一隻

長七丈九尺廣一丈九尺

五寸海字三號至八號快哨船六隻
各長四丈八尺海字九

號十號釣船二隻
各長四丈廣六尺五寸

軍裝數 紅衣礮五十五位
安設城上周圍三十四位招寶山五位沿江汛一十二位

笠山城 勞山礮二十位
安設招寶山六位笠山百子礮三十

四位 船配行營礮一百四十八位
安設大關口招寶山沿江汛滾江龍清水浦三官堂

笠山臺金雞汛張師山臺青時汛打鼓山臺路石山臺墓
孝陳汛各四位龍山所汪家路臺鷺鷥臺路南臺澥浦山

臺青溪山臺石塘山臺伏龍山臺施公山臺
松浦汛各三位配船八位存局五十八位入節礮一位

存得勝礮三十位
安設招寶山九位配船蕩寇礮一百桿

局配船三十四桿銅百子礮二位
配生鐵發貢礮六位局存

存局六十六桿
子礮二十位配船十位并子礮五十個提標分撥各礮

一十一位
穿山所城汛行營礮二位大漁山臺行營礮

位
林大山臺行營礮一位鄒衢所城汛行營礮

獅子山臺百子礮一位
崑亭寨城汛行營礮一位
百子礮一位
子母礮一位

刻絲團補馬鐵甲六十頂副刻絲團補步鐵甲二百身

刻絲團補步棉甲四百六十身
高盔九百八十一頂
刻絲

團補鐵甲八十身
挑刀手滾身并圍腰八十六身
籐牌手

滾身并圍腰套褲八十六副
硬弓二十張
城汛馬兵各自

備箭四十枝
步兵各自備箭三十枝
父子牌鎗四百六十

六桿
長鎗二十桿
挑弓一百六把
牌刀一百六口
腰弓九

百六十一口
單弓二十把
籐牌一百六面
大旗四十面
小

旗二百面
督陣紅旗四十面
塘馬旗一十四桿
帳房四十

頂大涼篷一座
虎翅叉二十把
陣鼓一十六面
金鼓二副

鑼鍋一百六口

以上乾隆志

附民壯

雍正五年奉文募民壯五十名賞給工食并弓箭烏鎗等器械縣官以時操練務堪應用分撥縣丞四名典史四名餘俱留縣署

雍正
府志

鎮海縣志卷十二

海防

甯波濱海爲全浙咽喉邑以雄關扼要先事之防
尤宜亟焉明初勦立衛所設險控制閱時旣久兵
備漸弛

皇朝德威遠播海波宴然而安不忘危規畫詳盡城中
設營駐防沿海隘口分兵戍守星羅碁布隱然長
城至外洋所轄各有責成不相侵越較之前代經
制益周密矣

甯波三面際海北面尤孤懸海濱吳淞海門呼吸可接東
出鎮海大洋遼闊南連閩粵西通吳會舟山突起中洲延

金華縣志 卷之二
袤四百餘里控扼日本諸蕃厥惟咽喉之地故以要害而論鎮海爲甯紹之門戶舟山爲鎮海之外藩海上設備多途甯波當全浙之衝尤不可不厚集其力也

浙江通志

宋建炎四年八月甲午命陳思恭屯兵明州以防海道紹興三十一年命諸州起禁軍弓弩手部送明州軍前

宋史高宗

紀

敵舟北來拋大洋至洋山三姑山宜山岱山獵港

案卽滬港

岑江直至定海縣此浙東路海道也

寶慶志

寶祐六年沿海制置大使吳潛申省狀照對本司連準密劄備奉宣諭據白劄子內所陳海道事宜分爲上中下三屯將台溫明越四郡民船屯泊於岱山岑江三姑山烈港

四處仍發定海水軍岑江三姑巡檢司土軍能弓弩手者
敷攤逐處民船置烽燧水遞互相應援等事潛除已分委
官屬親往各州同守臣鄉官從公集議將去歲已行義船
規約并將應干海舟團結外竊照潛素於四方山川江海
水陸險要頗知大略二年備數瀛閩允得其詳凡海道當
行事宜固已一一粗舉今者邊遽之急適當因任之初潛
朝夕思維幾忘寢食尤不敢以紙上具文塞責所有烽燧
一事已檄上定海水軍統制指授圖冊令其將帶撥發壕
寨合千人等親涉海島相度地勢日舉烟旗夜舉火號審
試的實排比次第共烽燧二十六鋪自定海水軍招寶山
至烈港山自烈港山至五嶼山自五嶼山至宜山自宜山

至三姑山自三姑山至下干山自下干山至徐公山自徐公山至雞鳴山自雞鳴山至北砂山自北砂山至絡華山自絡華山至石衙山自石衙山至壁下山此大海洋之中十二鋪也又自招寶山至陶家店自陶家店至貝念五家前自貝念五家前至解浦山頭自解浦山頭至沙角山頭自沙角山頭至伏龍山尾自伏龍山尾至施公山自施公山至周家塘自周家塘至下澤山頭自下澤山頭至新建向頭山水軍土軍兩寨此自定海水軍至向頭山之九鋪也自招寶山至石橋渡自石橋渡至馬阻匯自馬阻匯至路林自路林至白沙自白沙至本府看教亭此自定海水軍至慶元府城下之五鋪也已一面造辦鋪屋分差鋪兵

悉用邊淮規模措置經理矣所有分屯一事已照密劄差委本司添差制幹劉錫前往撞點各於戍所批厯爲照專俟三郡團結公定番次舟隻南自烏崎頭北自石衛中自三姑山至大七小七與天神前礁礮馬蹟胸山長塗岑港岱山烈港及近準行下洋山等處分布擺泊矣但烽燧雖當備而立烽燧於海洋之中者不容不慮分屯雖當置而求分屯於海洋之外者尤所當憂且長淮烽燧相隔十里此舉彼應速於置郵今前所謂海洋十二鋪如石衛壁下者孤立海中四無畔岸雲氣昏塞風雨晦暝觀面之間猶無所覩而何以責其號火之相應兼海寇切齒水軍今以數人置之孤嶼脫有盜至直機上肉又往來經商之舟常

與賊舟混淆遇夜停泊亦是舉火今雜然無別何以取證
潛已爲之區處遇旗煙號火不可覩望之時則以舉礮爲
號是雲氣昏塞不足以隔我之應號也至於每夜舉火爲
號必以五起五落爲準待彼相應方始住火是商船舉火
不足以亂我之應號也宅如孤嶼數兵慮遭賊手則於海
山諸處增其人數選其膂力授之兵器使之可以相衛是
盜賊之患亦可無慮所謂立烽燧於海洋之中潛固已悉
爲之處矣然置烽立屯規模措置與近日密剗坐下激浦
所置烽燧之處及許浦所申隄防捍禦之處皆不過在吾
境數百里海洋之間而已廼若巨浸滔天茫茫無際目力
之所不及固當防之於藩籬之外如待其入吾腹心而圖

之則晚矣且以賊人自新舊海州入海言之則其所經由者有三路所謂三路者賊欲侵擾淮東則自舊海發舟直入贛口羊家寨迤邐轉料至青龍江揚子江此裏洋也若欲送死浙江則自舊海發舟直出海際緣贛口之東杜苗沙野沙外沙姚劉諸沙以至徘徊頭金山澈浦此外洋也若欲送死四明則外洋之外自舊海放舟由新海界分東甌山之表望東行使復轉而南直達昌國縣之石匭關輿然後經岱山岑江三姑以至定海此大洋也凡此三洋其源頭皆自新海東西甌山之表裏所謂防之於藩籬之外者或其在此上下乎惟是潛蹤分所在責在大洋所以擺布悉從定海而始但日今軍分出戍旣多在寨無幾又前

此主兵官不得其人如軍器之類無一旗一矢之藏方此兩年旋爲之備一番調遣又覺單虛潛自當極力贍補不敢縷陳私復惟念賊若不由大洋以窺定海則或轉料從裏洋而窺揚子江則有許浦水軍其由外洋而窺浙江則有澈浦金山水軍但轉料一說恐非敵人行軍之徑路蓋海商乘使巨艘滿載財本慮有大洋外洋風濤不測之危所以緣趨西北大岸尋覓洪道而行每於五六月間南風潮長四分行船至潮長九分卽便拋泊留此一分長潮以避沙淺此路每日止可行半潮期程以爲保全財貨之計若賊舟窺伺叵測豈肯曠日持久迂回緩行使人知而避之此轉料從裏洋入揚子江一路潛以爲決不出此然則

稍減料角一帶之備而趨出三兩層增加東西陬上下一帶之備以遏其源頭夫亦可爲愚者千慮之一乎若論二洋形勢則外洋尤緊此潛所以新置向頭一寨與金山墩浦相接實爲行朝密布第二重門戶蓋已在邊遽未急之先矣并陳梗概送至申者

開慶志

明洪武十七年命信國湯和巡視海上築浙東沿海諸城甯波台溫並海地皆屯兵戍守

明史兵志

洪武二十三年四月詔濱海衛所每百戶置船二艘巡邏海上巡檢司亦如之

明實錄

洪武二十七年九月浙江定海衛奏所屬鄞甯等千戶所皆瀕海地方陸路一百二十里水路則風濤險遠遇警急

卒難應援請於穿山築城置千戶所分調官軍守禦從之

明實錄

永樂三年十月命浙江臨山觀海定海甯波昌國等衛造

海船四十八艘

明實錄

嘉靖三十二年八月給事中王國楨議添設杭嘉二府守

備一員備倭都司駐劄定海兼轄海甯二把總屯兵控禦

海禁除通番大船販易接濟外其餘捕魚樵採無礙海防

者編列字號發放出入

明實錄

定薄海而邑與倭島爲鄰蓋貢道所經於入寇最邇故防

患尤切茲舉防禦之關於定海者撮而誌之昔我祖宗之

制防邊戍海樹設周詳郡縣所在建立衛所定海衛內轄

四所及衛鎮撫外轄後所鄧禡大嵩

案大嵩今屬鄞

中中中左所

案今隸定海

旗軍一萬有奇歲給官軍糧餉十萬餘石置巡檢

司九曰螺峰曰岑江曰岱山曰寶陀曰長山曰穿山曰霞

嶼曰太平曰管界莫不因山塹谷崇其垣墉陳列兵士以

禦非常復於津陸要衝置爲關隘曰定海關

案定海關卽今鎮海關

曰舟山關曰小浹港隘

案卽今小港

曰青嶼隘曰硤頭隘曰錢

家隘曰梅山隘曰慈畧隘曰橫山隘曰螺頭隘曰碇齒隘

曰小沙隘曰沈家門水寨曰路口嶺隘曰岱山隘曰大展

隘凡一十有六皆屯兵置艦以爲防守其中若定海關舟

山關沈家門水寨小浹港隘最爲要害自昔至今尤致嚴

焉定海烽墩一十三後所烽墩十鄧禡烽墩六舟山烽墩

二十五咸設旗軍以瞭望聲息晝烟夜火互相接應若鄣
衝之三塔山舟山之朱家尖鹽峙最高所望獨遠故設總
臺多撥旗軍戒嚴尤至設總督備倭以公侯伯領之巡視
海道以侍郎都御史領之海上諸山分別三界黃牛馬墓
長塗金塘冊子大榭蘭秀劍岱雙嶼雙塘六橫等山爲上
界灘許洋山三姑霍山徐公黃澤大小衢等山爲中界花
腦求芝絡華彈丸東庫陳錢壁下等山爲下界率皆潮汐
所通倭夸貢寇必由之道也前哲謂防陸莫先於防海沿
邊衛所置造戰船以定臨觀三衛九屬所計之五百料四
百料二百料尖快等船一百四十有三量船大小分給兵
仗火器調撥旗軍駕使而督領以指揮千百戶每值風汛

把總統領戰船分哨於沈家門初哨以三月三日二哨以四月中旬三哨以五月五日由東南而哨厯分水礁石牛港崎頭洋孝順洋烏沙門橫山洋雙塘六橫雙嶼青龍洋亂礁洋抵錢倉而止凡韭山積固大佛頭花腦等處爲賊舟之所經行者可一望而盡由西北而哨厯長白馬墓龜鼈洋小春洋兩頭洞東西霍抵洋山而止凡大小衢灘澣山丁興馬蹟東庫陳錢壁下等處爲賊舟之所經行者可一望而盡卽由此而南通於甌越北涉於江淮皆以南北兩洋爲要會而南北之哨則以舟山爲根柢六月哨畢臨觀戰船則泊於岑港定海戰船則泊於黃崎港

海中至六月十二日

爲彭祖忌颶風大作舟必避之

仍用小船巡邏防守備至密也今日倭奴

更不可以春汛期而備禦宜益密矣倭奴入寇自彼黑水
大洋舟行一二日抵天堂山復一二日渡官綠水抵陳錢
壁下漸經濁水因潮乘風寇無定迹甌閩渤海南北可從
卽其南沙韭山北由馬蹟舟山則四面可登沿海則隨處
可犯遊擊把總等官督領兵船自春厯夏及小陽汛期於
南北海洋窮搜遠探遇有賊舟卽爲堵截馳報內境俾爲
預防復於沈家門列兵船一枝以一指揮領之馬墓港列
兵船一枝以一指揮領之把總駐劄舟山兼轄水陸總參
標下各選練精兵三千以聽征勦定邑則屯聚重兵屹爲
巨鎮賊或流突中界則沈家門馬墓兵船迤北截過長塗
霍山洋山三姑與浙西兵船爲犄角迤南截過普陀橫

青龍洋青門關與昌國石浦兵船爲犄角賊或流突上界則總兵官自烈港督發舟師北截於七里嶼與觀海洋參將自臨山海洋督兵船爲應援南截於金塘大貓洋而石浦梅山港兵船爲應援是故今日之海防會哨分哨於外海爲第一重出沈家門馬墓之師爲第二重總兵督發兵船爲第三重巨艦雲屯倭奴之舟航勿與也火器廳發倭奴之短兵勿與也以我之眾制彼之寡以我之長技攻彼之不足折蛇豕之勢而免內地震驚之虞斯策之上者也萬一疎虞而賊得登陸由掘泥烏山鳴鶴場古窰松浦邱家洋官莊諸路可犯慈谿與縣之西北境以達於郡城則向頭觀海龍山管界之備不可以不嚴而邱洋金嶽慈谿

新城石牆之築實所以扼其衝由小浹港穿山崑亭康頭尖崎諸路可犯鄞界與縣之東南境以達於郡城則小浹口置列兵船與後所霽衢大嵩甬東太平諸處之備不可以不嚴而慈輿蛤輿石牆之築實所以扼其衝由大浹口直走郡城則西渡東津桃花梅墟之備不可以不嚴而關口水陸之兵與招寶山威遠城之築實所以扼其衝蓋我尺寸之地皆係金湯得人而守則其險在我防或少懈則反以資敵耳是故修治垣隍保固城守一策也編立保甲內寓卒伍一策也譏察非常嚴禁濫出一策也撫綏瘡痍固我根本一策也此皆所以治內也修復整堡嚴明烽堠一策也繕治器械查復戰船一策也出哨會哨悉遵舊規

一策也據險守要聯絡響應一策也此皆所以治外也至於練主兵而免調募之擾足財用而資軍興之需聚芻糧而給餉以時嚴賞罰而功罪不掩設畫樹防出奇應變爲吾之不可勝以待敵之可勝則在中外任事之臣加之意可也

嘉靖志

春汛小汛

案泉州史料防海者以三四五月爲大汛九十月爲小汛其所向一視乎風

先期一

月將各道兵士督發各海口要害之處在甯波者出定海出昌國出象山安營操練與兵船相爲表裏以爲防守萬全之計春汛至五月終小汛至十月終方令撤兵歸道嚴立限期永爲遵守則防禦周而賊無伺志矣

籌海圖編

皇朝順治十八年以甯波温台三府邊海居民遷內地康

熙二年奉檄沿海一帶釘定界椿仍築墩墩臺寨豎旗爲號設目兵若干名晝夜巡探編傳烽歌辭互相驚備四年欽差大臣巡視海邊每歲輪巡五六次次年撤回

紹興府志

案甯波邊界至康熙八年始許百姓於近海採捕九年稍有展復開墾者二十三年臺灣平以工部侍郎金世鑑都御史呀思哈巡江浙盡復所棄地就地險易撥置戍兵沿海遂定

江浙外海以馬蹟山爲界山北屬江山南屬浙而陳錢外在東北俗呼盡山山大澳廣可泊舟百餘艘山產水仙海產淡菜海鹽賊舟每多寄泊江浙水師更當加意於此南之海島由衢山岱山而至定海東南由劍山長塗而至普

陀直東之外出洛迦門有東霍山夏月賊舟亦可寄泊伺劫洋船回棹且與盡山南北爲犄角山腳水深非加長旋巨纜不足以寄普陀之南自崎頭至昌國衛接聯內地外有韭山弔邦亦賊舟寄泊之所此皆衛波郡屬

海國聞見錄

防陸易防海難防定邑之海尤難何者他處濱海之邑城郭人民皆在內地去海近者二三十里遠者百十里海口一望汪洋無有島嶼奸匪無從寄泊防之易也卽江南之崇明亦孤懸海外然崇爲長江之門戶防在內地定爲東南諸省之門戶防在外島崇之險要僅高廖二嘴非若定之島嶼錯雜防之尤易也定則不然南洋三百餘里至定鎮中營汛內之牛欄基而與黃巖鎮接界北洋四百餘里

至定鎮左營汛內之大衢山右營汛內之大洋山而與崇
明鎮接界自南至北洋面遼遠島嶼參差多拋碇寄迹之
所少深塗廣澳之地我之哨巡有定而賊之來去無蹤故
防之爲尤難且戰艦停泊必防颶風而海洋風信轉移僅
在頃刻故必四面環抱之地始可停舟定鎮所屬可避風
者惟舟山道頭沈家門岑港長塗梅山青龍諸港及石浦
所而已以北洋言之洋山廟前僅避東北插燭澳僅避正
南馬蹟有小澳而僅避東北蘇寶有大澳而不利東南大
衢山有沙塘倒斗礁潭龍潭各澳鼠浪湖亦有小澳均避
東南不利西北是北洋之避風難也以南洋言之東西嶼
僅避一面青門內擔門雖避西北止宜小船道人港甚淺

大目洋忌柔浪淡水門雖藉牛欄基稍避諸風而碇地淺
東南風水石相搏噴浪高五六尺必收入石浦而後無患
是南洋之避風難也至外洋則絕無澳地韭山烏沙港東
福山湖泥白馬小澳僅可寄碇耳夫寄碇處多則賊船易
匿深塗廣澳少則戰艦不能久停而賊之窺伺洋閩諸船
也恆在內洋外洋風雨晦暝之際乘戰艦巡防之隙而猝
然攫取是防海難防定邑之海尤難固大彰明較著者也
然則必如何而後可防之北洋之洋山大衢蘇寶皆鼎峙
海面隔絕諸處而羊山界乎江浙蘇寶界屬江南蘇寶西
南之麓爲馬蹟又東北百餘里爲陳錢俗謂之盡山凡洋
船之自閩自甯自上海而日東

案二字疑有誤

遼東天津登萊者

必就此處停鍼放洋然無深塗大港不能久居寄碇不過一二潮賊船之飄泊者就蘇寶望之厯厯可見故蘇寶設兵則盡山花腦賊船不敢停羊山設兵則上海乍浦洋閩船可無虞衢山設兵則漁期無疎失三處各建土堡瞭臺撥兵防守互爲聲援兩省戰船會哨皆至其地遇颶則拔置泥塗風息復行此固前定鎮所咨商江省議行之善策也抑聞蘇寶大衢兩山肥田不下數萬畝茶筍雜木之利倍於他山莫若照温州玉環山例量度田畝配給防兵子弟有餘則招集海濱苦貧農民給以牛種令其儘力開墾仍移文武將弁一員駐防其地數年之後漸成樂土有警則以居民衛家室以子弟佐父兄人自爲戰家自爲守不

添兵而兵備不增餉而餉充其亦外洋扼要之圖可以佐
瞭望巡哨之不至者乎南洋四汛崎頭青龍港二汛相去
二十里淡水門石浦相去僅十里由青龍港歷東西嶼大
目洋南至淡水門百五六十里更無他汛以澳地不利難
停戰艦也然非山斜列東南賊船不難寄碇東西嶼大目
洋之間最爲要地故必青龍港哨船巡至東西嶼淡水門
哨船巡至大目洋且另撥兵船互爲應援然後南洋始可
以安枕也至近境則馬墓岑港崎頭沈家門皆爲要地而
沈家門爲甯郡之外戶防範尤嚴此皆防之於海外者也
至當防之於關隘汛口者如東西洋船人船器械足以自
衛而閩廣江浙之商船力不能與賊爭則宜設爲聯幫之

法凡商船出口必須報明某人船隻載何貨物往何處貿易每幫用兵船伴送逐汛交替既可督率以齊進止即可往來以爲哨巡賊船自無所生心其一也出洋水手嚴稽籍貫核實年貌取具宗鄰保結同伴互結仍於船照書明年貌所過汛口查對符合而後放行又其一也風篷兩面大書某地某人某號船隻船兩旁亦然賊雖得其船不敢卽乘且失事之處官兵可以望船追獲又其一也春夏漁汛之期閩人來溫台南洋定境北洋捕魚者動以千艘此輩一虧貲本往往爲匪請閩省來浙漁船亦取具宗鄰保結同伴互結挨次編號船照之外另給一統單俾一邑之船彙成一幫營汛照商船伴送至捕魚處所晝則聽其四

散夜則傍汛宿歇漁汛一畢合幫同返營汛仍照前件送
交替卽有一二奸人無同幫代爲徇隱之理又其一也若
夫採淡船釣船及各邑出口之小船尤當慎防者何者小
船駕駛甚捷其人又多走險嗜利如盡山花腦等處亦羣
趨競往其地則在江南其人則隸浙省此不能越界而問
彼且得因人而諉或不無攜帶酒米以滋接濟者則請於
保結互結成法之外責成沿海口子營汛船隻出口必註
明某人船隻酒米若干及某處地方採捕若干日稽查明
白印戳放行經過汛口逐一嚴查且必從原汛入口又其
一也往某處採捕必先報明本地方有司照舊給三連印
票一存本籍一給本人一移採捕處所之營汛填註地方

蓋印爲憑令其帶歸呈驗自不致游移影射又其一也此皆防之於本地及汛口關隘者也若夫洋面緝賊之法則又有道焉商船大書名號圖與賊舟有別矣然必待近而始見也不知商船重而沈賊舟輕而浮商船利於速至乘風徑行賊船惟思劫掠游移窺伺此固數十里外可一望而知者乘其未至而勒兵待之不在吾掌握中乎且賊見重船尾追見輕船則遠避彼固知輕船之爲哨船也而官兵遙望賊艘揚旗放礮是導之使避矣是莫若伏官兵於商船出洋誘賊俟其將近則聯隊蹙之賊未有不成擒者如康熙四十九年前定鎮吳郡伏兵商船而擒賊七十餘人獲船二艘其明驗也且行之數四則賊見商船亦疑爲

戰艦自不敢肆其非心兵法有曰多方以誤之者獨非此
道乎至戰艦以風爲便以火爲用大小銃礮之外若火箭
火罐火桶西瓜礮噴筒諸器皆宜選其人先時肄習則又
不待言者矣

雍正府志

石浦之東北曰錢倉所錢倉去海三里前爲道人港有礁
曰金地闊其外有雞母礁稍南爲亂礁洋十里至東殊山
又十里至西殊山又西行三十餘里爲黃牛礁

案鄞志黃牛礁係懸

海石礁頭頭東尾西與北岸穿鼻山直對穿鼻山腳立有
界石載明西係鄞邑前營管轄東係鎮邑左營管轄界石
下有南北土塘一道直至海邊西係鄞邑田畝塘東係
鎮邑田畝詢之上人穿鼻山卽因直對黃牛礁頭而名蓋
鄞鎮所指以又十里爲鄞之大嵩港浙江通志錢倉至大
嵩港約百里南爲塗茨烽墩外接竿門莆門等處西北至

金華縣志 卷之二
壺頭渡爲大嵩所界乃昌國之藩籬與大嵩相犄角者也
名勝志大嵩有壺頭關後移置象山之湖頭渡輿程記云
鄞奉象之要口也由東殊山北過孝順洋爲白馬礁有港
曰雙嶼港五里至佛肚山又五里爲汀齒山其東北爲桃
花六橫爲朱家尖白馬礁四十里爲溫州嶼又十里爲青
龍港皆定海汛港之前有小山三曰三山嶼係鄞縣汛港
口有分水礁西南梅山港港口有管山臺又西北十里爲

郭霽所

象山縣志

自三月至五月爲汛期六七八月風潮險惡舟不可行九
十月小陽汛期賊舟復可渡海亦有停泊海島乘間而止
者故今四時皆宜防海

嘉靖志

防海在於會哨會哨必於洋山洋山者海道必由之路山
圍百里形似南箕中平如掌內有十八畧可藏海船數百
海水鹽不可飲惟山頂一泉清淡可汲會哨必泊其中以
避風汲水南至定海北至吳淞皆一潮可到蓋江浙之交
界也故舟山爲浙江之屏翰而玉環鳳凰馬墓等山輔之
洋山又爲江浙兩省之屏翰而陳錢壁下大衢小衢諸山
輔之故防海之道賊犯江南而浙江官兵不至陳錢者罪
在浙江賊犯浙江而江南官兵不至馬蹟者罪在江南俱
以交牌號爲驗遇賊則江浙官兵聯絡爲一併力擊殺或
搗其中堅或截其歸路或踵其後或犯其前毋使登岸入
江爲第一策此江浙海防之大要也

觀海指掌圖

洋山屹立大海東窺馬蹟西應許山南援衢山北控大小
七山此地之重者一也溫台甯三府於汛期之際漁船到
此而後分舫採捕南極漁山北極茶蛇二山渺茫千里處
處皆船此地之重者二也此地不守則馬蹟可以結巢而
徐公上下皆爲倭寇淵藪不惟滄山有昏亡之慮而聲息
不通應援阻絕衢洋當一面之衝浙西失藩蔽之固矣夫
聖姑礁爲居中之地創爲老營而以大船數隻泊之洋山
則張家嶼之北鍋灣嶼之東之警可備也以小船數隻泊
之下釣則徐公之外馬蹟之內之警可備也以小船數隻
泊之秀才等畧則衢洋之上沙塘之下之警可備也以小
船數隻泊之西洋等畧則灘山之前漁山之後之警可備

也如此分佈則要害有守而浙西之門戶可固矣

兩浙海防類考

洋山爲浙西門戶深水蒲舉大衛韭山爲浙東門戶而陳錢者倭寇必經之地也守馬蹟殿前諸山以控吳守大衛諸山以衛越守陳錢諸島以制賊往來之衝夾攻互救三道鼎峙賊不足防矣陳錢山爲浙直分路之始宜更番共守賊由東洋經陳錢馬蹟犯甯定者必藉衢山馬墓兵船以禦之

籌海圖編

陳錢壁下爲倭寇必爭之地蓋自彼開洋隨風到此必登山取汲整頓精神徘徊眺望其初無定向也若南風急則由茶山而往直隸到茶山而風轉東則由高家嘴而入吳淞風轉西則由老鶴嘴而入三江此陳錢向正北之程也

若東南風急則山下入山越馬蹟而進洋山到洋山而風轉正南則由大小七北經翁家港劉家河而入清河南風轉正東則由許山而入金山乍浦此陳錢向西北之程也若東北風急則過落星頭而入深水蒲罍到蒲罍而風轉正東則入大衢沙塘罍而進長塗到長塗而風轉東北則由兩頭洞而入定海到長塗而風轉南則由勝山而入臨觀到臨觀而南風大作則過滙港而入海鹽澈浦海甯此陳錢向正西之程也到蒲罍而風猶東北則過三星鼠狼湖一帶而入舟山矣若正北風急則過外洋諸山而達閩廣矣由是觀之老鶴高家二嘴爲直隸門戶洋山爲浙西門戶深水蒲罍大衢韭山爲浙東門戶而陳錢者海賊必

經之地也

陳海樓
防海策

兵船在海遇晚宜酌量收泊安壘以防夜半發風嘗按沿海之中上等安壘可避四面颶風者凡二十三處曰馬蹟曰兩頭洞曰長塗曰高丁港曰沈家門曰舟山前港曰烈港曰定海港曰黃崎港曰梅港曰湖頭渡曰石浦港曰猪頭壘曰海門港曰松門港曰蒼山壘曰玉環山梁壘等壘曰楚門港曰黃華水寨曰江口水寨曰大壘曰女兒壘中等安壘可避兩面颶風者凡一十八處曰馬墓港曰長白港曰蒲門曰觀門曰竹齊港曰石牛港曰烏沙門曰桃花門曰海閘門曰几山曰爵谿壘曰牛欄基曰旦門曰大陳山曰大牀頭曰鳳凰山曰南麂山曰霓壘其餘下等安壘

可避一面颶風如三姑山衢山之類不可悉數必不得已

寄泊一宵若停久恐風反別汛不能支矣至潭岸山灘山

許山之類皆團土無畧一面之風亦所難避

湧幢小品

鎮海水師營駐劄鎮海縣城參將統轄守備千把外委等

官一十四員兵一千一百五十五名

俱詳見兵制

除內守縣城

外餘分防沿海陸汛及輪巡新設海汛

陸汛鎮海關口

在縣城南大浹港口汛守要衝也

稽查出入船隻

陸汛招寶山

在縣城東北屏翰縣城雄峙海口臨其上可以下瞰城中明嘉靖中建威遠城於山

頂沿江汛地四

沿江汛至滾江汛

滾江汛

即沿江汛

清水浦

二十里至三官堂

三官堂

西南爲鄞縣內地

陸汛筓山城轄口次一臺四汛地五

小港口次

小港內

通東港出穿山所
達府城極險要
竺山臺
臺下卽小
張師山臺
十里

至打鼓
打鼓山臺
六里至路
路石山臺
二十里至

東港礮汛
十里至石門汛
七里至慕
慕孝陳汛

西至鄞
大跳嶺
大跳山縣東南十五
青嶼汛
距打

臺九
十里

陸汛龍山所
案籌海圖編龍山北對金山蘇州大洋東
乃賊船往來必由之路
臨觀一總之轄臺八汛地六

咽喉也封守慎固省城安枕而臥矣
汪家路臺
距縣城八里十
鷺鷥臺
十里至路南臺

十里至
解浦臺
解浦在縣西北五十里宋置
青溪

山臺
青溪港可
石塘臺
距所城
伏龍山臺
縣西北

伏龍山一名砬山首尾跨東西兩海門南距所城十
里屹臨水際爲番船必由之道
十里至施公山臺

里屹臨水際爲番船必由之道
十里至施公山臺

施公山臺

縣西北九十里南
往來地極險要

金家壩汛

在所東北與
邱家洋相連

東對烈港洋面北望洋山三姑
大洋最為險要四里至邱家洋

邱家洋汛

三十三里
至宣家堰

汛

宣家堰汛

松浦汛

松浦汛

五十里至
憩橋汛

憩橋汛

入里至畝
底塘汛

畝底塘汛

西至鄞
縣內地

海汛轄洋面十一

鎮海港

在縣城南自蛟門海洋分
派為支江向西流謂之

大淡

蛟門山

在縣東去岸約十五里環鎮海口吐納
潮汐一名嘉門山出此即大海洋昔人

稱

蛟門虎蹲天設之險是也

虎蹲山

在縣東五里海
中登岸即小港

口

搗杵山

北係定鎮標
右營汛

金塘山

山東南北俱係
定標右營汛

大平山

障金塘之西北山之東
北係定鎮標右營汛

瀝表背山

東北係定
標右營汛

後海

後海山縣東
南六十五里

東霍

山東北係定
標右營汛

西霍

山北
係乍

浦營

七姊妹山

山北係乍
浦營洋汛

穿山汛

東五里至黃崎港海面西六十餘里至育王嶺

接界南至楊洛河與崑亭汛接界又至孔墅嶺與鎮海營

穿山街口址去所城

大漁山臺三十三里至

東

堵河臺

十二里至林大山臺穿山村臺

穿山村臺

十三里至小門山臺

小門山臺去所城五里至司

司前山臺

去官莊

八鳳洋汛去大漁山臺六里

大礮頭汛三

汛五里

貝家礮汛五里至朱

朱家塘汛八里至霞

霞浦張汛五里至

山門汛二十一里

白峰汛一

里至官莊汛

官莊汛與龍衢汛接界

郭衢汛

東二十里至崎頭洋海面西至蝦康山臺與崑

山汛轄汛地一臺四康頭汛山五里

東山臺城十

每防

九

里四里至

總臺山臺

十里至

箬雷山臺

鎮海縣東南一

總臺山臺

雷山臺

十里至

東臺山臺

東南一

百三十里至

蝦康山臺

十里至

東臺山臺

崑亭汛

東至東臺山臺與崑亭汛接界西至合臺與前

洛河與穿轄臺四汛地三

東臺山臺

去所城五里十

舊蒲山臺

十里至

獅子山臺

十里至

廟東

山臺

去合臺

三山汛

慈臺汛

慈臺汛

合臺汛

合

皋汛

五里至穿鼻山與前營大嵩所接界案穿山郭

轄以上俱

浙江通志

案以上各汛兵制俱詳本志